

**Landesinstitut für Statistik**Kanonikus-Michael-Gamper-Str. 1 • 39100 Bozen
Tel. 0471 41 84 00 • Fax 0471 41 84 19<https://astat.provinz.bz.it>
astat@provinz.bz.it**Istituto provinciale di statistica**Via Canonico Michael Gamper 1 • 39100 Bolzano
Tel. 0471 41 84 00 • Fax 0471 41 84 19<https://astat.provincia.bz.it>
astat@provincia.bz.it

astat info

56Dezember
2024

Resultac Cumpedada dla grupes linguistiches - 2024

Determinazion dla cunsistënza dla trêi grupes linguistiches dla
Provincia autonoma de Bulsan-Südtirol

Resultac Cumpedada di grups linguistics - 2024

Determinaziun dla consistënza di trêi grups linguistics dla
Provincia autonoma de Balsan-Südtirol

Te na
udleda:
Te
n'odlada:**26,98%**grupa linguistica taliana
grup linguistich talian**68,61%**grupa linguistica tudëscia
grup linguistich todësch**4,41%**grupa linguistica ladina
grup linguistich ladin

Fundamëntes giuridiches

La Cumpedada dla grupes linguistiches vën fata uni diesc ani

Sun la fundamënta giuridica dl regolamënt (CE) di 9 de lujio 2008 n. 763/2008 dl Parlamënt europeich y dl Cunsëi y dl regolamënt (CE) n. 1201/2009 dla Cumiscion di 30 de nuvëmber 2009, ie l'Istitut naziunel de statistica (ISTAT) nciarià de dejëujer, n cunlaurazion cun l'Istitut provinziel de statistica (ASTAT), l relevamënt dla cunsistënza dla trêi grupes linguistiches dla provinzia de Bulsan. Duta la zitadinanza ie nvieda a fé na detlarazion de purtenienza aldò de cie che ie preudù dal decret dl Presidënt dla Republica n. 752/1976, coche mudà y ntegrà dai decrec legislatifs n. 253/1991, n. 99/2005 y n. 150/2021.

Chësc relevamënt à si fundamënta tla despusizions costituzioneles cuntenides tl Statut speziel de autonomia per l Trentin- Südtirol preudù dal decret dl Presidënt dla Republica n. 670/1972 che, per l fin de stra-

Basa iuridica

La Cumpedada di grups linguistics vëgn fata vigni diesc agn

Sön la basa iuridica dl regolamënt (CE) di 9 de messé dl 2008 n. 763/2008 dl Parlamënt europeich y dl Consëi y dl regolamënt (CE) n. 1201/2009 dla Comisciun di 30 de novëmber dl 2009, é l'Istitut naziunel de statistica (ISTAT) inciarié da relevé, en colaboraziun cun l'Istitut provinziel de statistica (ASTAT), la consistënza di trêi grups linguistics dla provinzia de Balsan. Por chësta rajun vëgn dōta la popolaziun inviada a fá na detlaraziun de portignënza aladò de ci che é preodù dal decret dl Presidënt dla Republica n. 752/1976, sciöche mudé y integré dai decrec legislatifs n. 253/1991, n. 99/2005 y n. 150/2021.

Chësc relevamënt ciafa na fundamënta tles desposiziuns costituzioneles contignides tl Statut spezial d'autonomia por le Trentin-Südtirol preodù dal decret dl Presidënt dla Republica n. 670/1972 che, por sconé les

vardé la cumpunèntes linguistics defrèntes presèn-tes tla provinzia, vëij danora espressamënter de cunscidré la purtenienza ala grupe linguistics taliana, tudëscia o ladina ("pruporz etnich") tla formazion di organs istituziunei, tla spartizion dla ressourcees dla Provinzia, tl tò su personal ti ufizies publics, y nsci inant. La Cumpedada dla grupe linguistics ie nsci mé de bujèn per calculé l pruporz y per fins de statistica.

Per l prim iede an messù fé l relevamënt sun la purtenienza o l'agregazion ala grupa linguistica dla popolazion residënta tla provinzia de Bulsan a na maniera autonoma y spartida dala Cumpedada dla popolazion y dl'abitazions, ajache chësta ultima vën dal 2018 incà fata tla forma de na Cumpedada che va inant tresora, uel di coche cumpedada permanënta dla popolazion y nia plu uni diesc ani, y da ntlëuta vëniela defati tlameda Cumpedada permanënta. Da canche l ie unì fat chësta mudazion ne ie la Cumpedada dla popolazion y dl'abitazions nia plu na Cumpedada ntiera ma la reverda n campion de persones. La Cumpedada dla grupe linguistics, alincontra, resta na cumpedada ntiera.

N ucajian dla Cumpedada dla grupe linguistics à duta la persones cun zitadinanza taliana, residëntes tla provinzia de Bulsan, che ne fova nia desrespunsabltedes pervia de na malatia mentela, messù fé persunalmenter, te na forma anonima, na detlarazion individuela de purtenienza o d'agregazion a una dla trëi grupe linguistics (decret dl Presidënt dla Republica n. 752/1976). La detlarazion dla persones sota 14 ani ie unida fata dai genitores o da chi che n ova la respunsabltà genitoria.

Partecipazion online per l prim iede

Cun l decret legislatif di 4 d'otober 2021, n. 150, iel unì mudà l articul 18 dl decret dl Presidënt dla Republica di 26 de lugio 1976, n. 752, "Normes de atuazion dl Statut speziel per la Region Trentin- Südtirol tl ciamp dla proporzion ti ufizies statei tla provinzia de Bulsan y de cunescënza dla doi rujenedes tl servisc public". Chësta mudazion vëij danora la puscibltà de fé la detlarazion nce tla forma telematica. Cun l decret dl Presidënt dla Provinzia di 6 de dezëmber 2022, n. 28, che cuntën l "Regulamënt d'esecuzion sun la manieres d'atuazion dla Cumpedada dla grupe linguistics y sun la mesures adatedes a garantì l'anonimità tl relevamënt di dac tla forma telematica", iel unì fissà la regules per la partecipazion telematica. **Tres chësta fundamënta giuridica an per l prim iede pudù tò pert - te na prima fasa online - ala Cumpedada dla grupe linguistics.**

componèntes linguistics desvalies tla provinzia, prevëiga espressamënter da tignì cunt dla portignënza ai grups linguistics ladin, talian y todësch ("proporz etnich") tla formazion di organs istituzionai, tla spartizion dles ressourcees dla Provinzia, tl'assunzion ti ufizi publics, y i.i. La Cumpedada di grups linguistics öga ma da calculé le proporz y por fins statistics.

Por le pröm iade vëgn le relevamënt sön la portignënza o l'agregazion al grup linguistich dla popolazion cun la residënza tla provinzia de Bulsan fata autonomamënter y despartida dala Cumpedada dla popolazion y dles abitaziuns che vëgn fata dal 2018 incà sciöche "Cumpedada permanënta dla popolazion" y nia plü vigni diesc agn, y reverda n grup de persones chirí fora y nia plü dōta la popolazion. La Cumpedada di grups linguistics é indere tres ciamó n relevamënt complessif, che tira ite porchël dōta la popolazion y nia ma n grup de persones chirí fora.

En ocajian dla Cumpedada di grups linguistics á dōtes les persones cun la zitadinanza taliana y la residënza tla provinzia de Bulsan, che n'è nia interdites por maraties mentales, messù fá persunalmenter y anoniamënter na detlarazion individuala de portignënza o d'agregazion a un di trëi grups linguistics (decret dl Presidënt dla Republica n. 752/1976). La detlarazion dles persones cun manco co 14 agn é gnüda fata dai geniturs o da che che eserzitâ la responsabilité genitoria.

Partecipazion online por le pröm iade

Cun le decret legislatif di 4 d'otober dl 2021, n. 150, é gnü mudé l'articul 18 dl decret dl Presidënt dla Republica di 26 de messé dl 1976, n. 752, "Normes de atuazion dl Statut spezial por la Regiun Trentin-Südtirol sön le proporz ti ufizi statai tla provinzia de Bulsan y la cunescënza di dui lingac tl sorvisc public". Chësta mudazion prevëiga la poscibilité da fá la detlarazion ince tla forma telematica. Cun le decret dl Presidënt dla Provinzia di 6 de dezëmber dl 2022, n. 28, che contëgn le "Regulamënt d'esecuzion sön les modalitès d'atuazion dla cumpedada di grups linguistics y dles mosöres adatedes da garantì modalitès anonimes tl relevamënt di dac tla forma telematica", é gnü stabilí les modalitès por la partecipazion telematica. **Chësta basa iuridica á conzedü por le pröm iade da ajunté na pröma fasa de partecipazion online ala Cumpedada di grups linguistics.**

Co se à pa dejëut la partezipazion ala Cumpedada dla grupes linguistiches?

La Cumpedada dla grupes linguistiches fova partida te doi fases:

Fasa 1: tla forma telematica/online tres azes cun la cherta naziunela di servijes ativeda, SPID o cherta d'identità eletronica. Tèmp: dai 4 de dezèmber 2023 ai 29 de fauré 2024.

Fasa 2: relevamënt tradiziunel sun papier cun persones nciariades (relevadëures) che ie jites da cësa a cësa, y pra la purteles ziviches ti chemuns. Tèmp: dai prim de merz 2024 ai 30 de juni 2024.

Per la partezipazion telematica iel unì njinià ite doi portai: un per l'autenticazion tres identità digitela y un per la cunsënia anonima dla detlarazion dadedò. Chësta pruzedura (cun doi portai) garantiva l'anonimat dla persones che tulova pert.

Tla seconda fasa dl relevamënt sun papier an nvià a tò pert la persones che ne ova nia bele tëtut pert online. La detlarazion ie unida fata dai zitadins y dala zitadines sun n formular A/2 a na maniera defin anonima. L formular univa n iede dat ju dai/dala relevadëures a cësa di zitadins y dla zitadines y pona inò tëtut ite da chisc/chësta relevadëures. La partezipazion univa dejëuta nsci: do che l formular A/2 fova scrit ora l metova la persona detlarënta cun la indicazion dl chemun tla cuverta bianca aposta che univa pona stluta. Perchèl messova sibe l formular A/2 sibe la cuverta che l cunteneva vester zënza sënies che ëssa pudù dé da recunëscer la persona detlarënta, cossa che ëssa gaujà che la detlarazion ne fossa nia stata valëivla. Per i **mëndri de 14 ani** univa la detlarazion fata dai genitores (o da chi che eserzitova per ëi la respunsablità genitoriela) sun l model B. Do che n ova scrit ora l formular univel dat ju al relevadëur/ala relevadëura te na cuverta rosa stluta. Chi che eserzitova la respunsablità genitoriela deberieda ne fova, tl cajo de purtenienza a grupes linguistiches defrëntes y dejacurdanza, nia ubliei a fé la detlarazion per l mut o la muta de mëndra età. L relevadëur/La relevadëura tulova ite la cuvertes stlutes y les dajova ju tl Chemun de referimënt, che les mandova da si pert al Istitut provinziel de statistica ASTAT, ulache les univa giaurides per po cumpedé ora y elaburé la detlarazions.

Do la cumpedada dla detlarazions sun papier iel unì cumpedà leprò i dac unic ite tres partezipazion telematica per calculé i resultat.

La detlarazion de purtenienza data ju n ucajian dla Cumpedada dla grupes linguistiches 2024 ne muda nia la detlarazion fata tl 2001 pra la 14ejima Cumpedada generela dla popolazion y dl'abitazions. Sce n zitadin o na zitadina ëssa ntenzion de mudé si detlarazion de purtenienza fata tl 2001, messerà ël o ëila jì persunalment, cun n documënt d'identità che vel pra l Tribunal de Bulsan, che ie la sënta competënta per la detlarazions de mudazion y de revucasion.

Co é pa gnüda fata la Cumpedada di grups linguistics?

La Cumpedada di grups di linguistics é gnüda fata te döes fases:

Fasa 1: tla forma telematica/online tres l'azes cun la cherta nazionala di sorvisc ativeda, le SPID o la cherta d'identità eletronica. Tèmp: dai 4 de dezèmber dl 2023 ai 29 de forá dl 2024.

Fasa 2: relevamënt tradiziunel sön papier cun porsones inciariades (relevadus y relevadësses) che é jüdes tles ciasas y pro portines ziviches ti comuns. Tèmp: dal 1. de merz 2024 ai 30 de jügn 2024.

Por la partezipaziun telematica él gnü arjigné ca dui portai: un por l'autenticaziun tres l'identità digitala y un por le conferimënt anonim dla detlaraziun suandënta. Chësta prozedöra (cun dui portai) garantí l'anonimité dles porsones che toló pert.

Tla secunda fasa, tratan le relevamënt sön papier, él gnü invié a tò pert les porsones che n'â nia ciamó tut pert online. La detlaraziun é gnüda fata dai zitadins y dales zitadines sön le formular A/2 te ne forma daldöt anonima. Le formular é naota gnü ortié ala misciun de residënza y spo coiü adöm - do la detlaraziun - dal relevadú o dala relevadëssa. An podò tò pert insciò: n iade scrit fora la formular metò la porsona che â fat la detlaraziun le formular A/2, cun l'indicaizon dl comun, tla coperta bianca por spo la stlù. Porchèl messò le formular A/2 y la coperta, olache al è laite, ester zënza sëgns che podess condüje ala porsona che â fat la detlaraziun, scenó ne valò la detlaraziun nia. Por i mituns/les mitans **che â manco de 14 agn**, é la detlaraziun gnüda fata dai geniturs (o da che che eserzitëia la respunsabilité genitoriala) sön le formular B. N iade scrit fora ti é le formular indò gnü dé al relevadú/ala relevadëssa te na coperta rosa stlùta. Che che eserzitëia adöm la respunsabilité genitoriala, tl caje de portignënza a grups linguistics desvalis, n'á nia albü bria - sce nia a òna - da fá na detlaraziun por le möt/la möta sot i 14 agn. Le relevadú o la relevadëssa á coiü adöm les copertes stlütës y ti les á dé jò al Comun de referimënt, che ti les á ortié al Istitut provincial de statistica ASTAT, olache al é gnü daurí les copertes y cumpedé les detlaraziuns.

Do la cumpedada dles detlaraziuns sön papier é i dac gnüs cumpedá pro chi ortiá telematicamënter por calcolé i resultat.

La detlaraziun de portignënza fata tratan la Cumpedada di grups linguistics 2024 ne müda nia la detlaraziun fata dl 2001 en ocajian dla 14. Cumpedada generala dla popolaziun y dles abitaziuns. Sce n zitadin o na zitadina ó mudé súa detlaraziun de portignënza relasciada dl 2001, mëssel jì persunalment cun n documënt d'identità varënt tl Tribunal de Balsan, sënta competënta por les detlaraziuns de mudaziun y de revocaziun.

Ciuna ie pa la defrënza danter la detlarazion de purtenienza y la detlarazion d'agregazion a na grupa linguistica?

La detlarazion d'agregazion à la medema fazions giuridiches dla detlarazion de purtenienza. La detlarazion d'agregazion ala grupa linguistica ie unida preududa per chëla persones che se sënt de ne purtenì a deguna dla trëi grupe linguistiches.

Normes sun la prutezion di dac

L dé ju la detlarazion de purtenienza o agregazion ala grupa linguistica ie da raté de ublianza per la persones cun zitadinanza taliana residëntes tla provinzia de Bulsan, ajache l ie preudù coche duvier dal articul 18 dl decret nunzià dl Presidënt dla Republica di 26 de lujio 1976, n. 752.

La Cumpedada dla grupe linguistiches ie unida fata aldò dl regulamënt generel sun la prutezion di dac, regulamënt (UE) n. 2016/679, y dl decret legislatif di 30 de juni 2003, n. 196, y mudazions suzessives.

Aldò dl protocol de cunsëns danter ISTAT y ASTATdi 16.12.2022, ACP/48/2022, ie i tituleres dl tratamënt di dac de chësta cumpedada l'ASTAT y i Chemuns dla provinzia de Bulsan.

Publicazion

Cun chësta comunicazion publichea l Istitut naziunel de statistica (ISTAT) y l Istitut provinziel de statistica (ASTAT) i resultac dla cumpedada sun la consistënza dla trëi grupe linguistiches per uni chemun dla provinzia de Bulsan y n valguna elaborazions y cunfronc de nteres statistich. Chisc resultac vën nce publichei tla Gazëta Ufiziela.

I resultac dla nrescida unirà mé adurvei a livel provinziel y cumenel per ajurné la consistënza dla trëi grupe linguistiches.

Cara é pa la desfarënza danter detlaraziun de portignënza y detlaraziun de agregaziun a n grup linguistich?

La detlaraziun d'agregaziun á la medema faziun iuridica dla detlaraziun de portignënza. La detlaraziun d'agregaziun al grup linguistich é gnüda preodüda por chës porsones che arata da ne fá pert de degun di trëi grups linguistics.

Normes sön la proteziun di dac

La detlaraziun de portignënza o agregaziun al grup linguistich é da araté obligatora por les porsones cun la zitadinanza taliana y la residënza tla provinzia de Bulsan, ajache al é n dovëi preodü dal art. 18 dl decret dl Presidënt dla Republica di 26 de messé dl 1976, n. 752.

La Cumpedada di grups linguistics é gnüda fata aladò dl regolamënt general sön la proteziun di dac, dl regulamënt (UE) n. 2016/679 y dl decret legislatif di 30 de jügn dl 2003, n. 196, y mudaziuns suandëntes.

Aladò dl protocol de intenüda danter ISTAT y ASTAT di 16.12.2022, ACP/48/2022, é i titolars dl tratamënt di dac de chësta cumpedada l'ASTAT y i Comuns dla provinzia de Bulsan.

Publicaziun

Te chësta comunicaziun pita l'Istitut naziunel de statistica (ISTAT) y l'Istitut provinziel de statistica (ASTAT) i resultac dla cumpedada sön la consistënza di trëi grups linguistics por vigni comun dla provinzia de Bulsan, cun val' elaboraziuns y confronc de interes statistich; chisc resultac gnará ince publicá tla Gasëta ofiziala.

I resultac dl'inrescida gnará ma adorá a livel provinzial y comunal por l'ajornamënt dla consistënza di trëi grups linguistics.

Resultac a nivel provinziel y aldò dl'agregazion teritoriela

Resultac dla Cumpedada dla grupes linguistiches a nivel provinziel

La Cumiscion tecnica provinziela à apurvà la regules de analisa di dac dla detlarazions de purtenienza o agregazion. Do i lëures nunziei ie i dac curespundënc unic validei y elaburei.

La Cumpedada dla grupes linguistiches ie unida dejëuta a pië via dai 4 de dezëmber 2023. N la data de referimënt di 30.09.2023 fovel 483.981 zitadins y zitadines cun l'autorisazion de detlaré si purtenienza o agregazion linguistica. Nchin ai 29.02.2024 iel sta puscibl presenté la detlarazion online tres n formular da scrì ora autonomamënter. Dadedò iel sta na segunda fasa te chëla che l fova mesun fé la detlarazion sun papier. La Cumpedada dla grupes linguistiches ie unida stluta ju ai 30.06.2024.

L ie unì dat ju de ndut 450.373 detlarazions valëivles. Oradechël iel unì presentà 1.841 formulares blanc. Tla fasa de validazion dla detlarazions sun papier ie 1.000 formulares unic detlarei nia valëivli y n à cumpedà 115 cuvertes uetes.

Resultac a nivel provincial y aladô dl'agregaziun teritoriala

Resultac dla Cumpedada di grups linguistics a nivel provincial

La Comisciun tecnica provinciala á aprové les regoles dla cumpedada di dac dles detlaraziuns de portignënza o agregaziun. Ala fin de chëstes prozedöres é gnü validé y lauré fora i resultac che alda lapró.

La Cumpedada di grups linguistics é gnüda fata pian ia dai 4 de dezëmber dl 2023. Ala data de referimënt di 30.09.2023 êl 483.981 zitadins y zitadines autorisá a detlaré súa portignënza o agregaziun linguistica. Cina ai 29.02.2024 éra jüda da dé jö la detlaraziun online tres n formular da scrí fora autonomamënter. Spo é sté na secunda fasa olache an á podü fá la detlaraziun sön papier. La Cumpedada di gups linguistics é gnüda stlûta jö ai 30.06.2024.

Al é gnü coiü adöm indöt 450.373 detlaraziuns varëntes. Implü é gnü dé jö 1.841 formulars blanc. Tratan la fasa de validaziun dles detlaraziuns sön papier é gnü anulé 1.000 formulars y 115 copertes ê ötes.

Tab. 1

Detlarazions de purtenienza y d'agregazion aldò dla grupa linguistica - Cumpedada dla grupes linguistiches 2024				
Detlaraziun de portignënza y agregaziun aladô dl grup linguistich 2024 - Cumpedada di grups linguistics 2024				
GRUPA LINGUISTICA	Detlarazions de purtenienza Detlaraziuns de portignënza	Detlarazions d'agregazion Detlaraziuns de agregaziun	Soma dla detlarazions valëivles Detlaraziuns varëntes indöt	GRUP LINGUISTICH
Valores assoluc / Valurs assoluc				
Taliana	117.896	3.624	121.520	Talian
Tudëscia	304.968	4.032	309.000	Todësch
Ladina	19.456	397	19.853	Ladin
De ndut	442.320	8.053	450.373	Indöt
Cumposizion perzentuela aldò dla sort de detlarazion / Composiziun porcentuala aladô dla sort de detlaraziun				
Taliana	97,02	2,98	100,00	Talian
Tudëscia	98,70	1,30	100,00	Todësch
Ladina	98,00	2,00	100,00	Ladin
De ndut	98,21	1,79	100,00	Indöt
Cumposizion perzentuela aldò dla grupa linguistica / Composiziun porcentuala aladô dl grup linguistich				
Taliana	26,65	45,00	26,98	Talian
Tudëscia	68,95	50,07	68,61	Todësch
Ladina	4,40	4,93	4,41	Ladin
De ndut	100,00	100,00	100,00	Indöt

La tabela 1 reporta la destribuzion dla detlarazions valëivles per la trëi grupe linguistiches. Oradechël vëniel dat sëura l numer dla detlarazions per purtenienza y agregazion linguistica.

La perzentueles de purtenienza ala trëi grupe linguistiches ie states dl 26,98% per la grupa linguistica taliana, dl 68,61% per la grupa linguistica tudëscia y dl 4,41% per chëla ladina.

Coche cunfront resultova la cunsistënza dla grupe linguistiches (proporz) relevada ntan la cumpedada dl 2011 dl 26,06% per la grupa linguistica taliana, dl 69,41% per la grupa linguistica tudëscia y dl 4,53% per la grupa linguistica ladina.

A chësta maniera ie la cunsistënza dla grupa linguistica taliana avaneda de 0,92 ponc perzentuei, ntan che chëla dla grupe tudëscia y ladina ie smendreda respetivamënter de 0,80 ponc y de 0,12 ponc perzentuei.

Dla 450.373 detlarazions fova 8.053 (l 1,79%) d'agregazion. De chëstes revardova l 45,00% la grupa linguistica taliana, l 50,07% la grupa linguistica tudëscia y l 4,93% la grupa linguistica ladina.

Resultac dla Cumpedada dla grupe linguistiches a nivel cumenel

Tla tabella 2 iel repurtà, aldò dl chemun, i resultac dla Cumpedada dla grupe linguistiches te valores perzentuei per i ani 2011 y 2024 purtei a esprescion nchin ala segunda zifra dezimela.

Ciunes ie pa la variacions dla cunsistënza dla trëi grupe linguistiches a nivel cumenel?

Sce n cunfruntea i resultac a nivel cumenel, posson usservé che la grupa linguistica taliana ie chersciuda a nivel provinziel de 0,92 ponc perzentuei, che la ie mé deventeda mëndra perzentualmënter te 21 chemuns y che la ie chersciuda te 95 chemuns.

La grupa linguistica tudëscia ie, alincontra, deventeda perzentualmënter mëndra te 89 chemuns y chersciuda te 27.

Tla tabela 1 él les detlaraziuns varëntes por i trëi grups linguistics. Implü vëgnel dé dant le numer dles detlaraziuns por portignënza y agregaziun linguistica.

Les porcentuales de portignënza ai trëi grups linguistics é stades dl 26,98% por le grup linguistich talian, dl 68,61% por le grup linguistich todësch y dl 4,41% por chël ladin.

Por fá n cunfront ê la consistënza di grups linguistics (proporz) relevada pro la cumpedada dl 2011 dl 26,06% por le grup linguistich talian, dl 69,41% por le grup linguistich todësch y dl 4,53% por le grup linguistich ladin.

Porchël é la consistënza dl grup linguistich talian aumenté de 0,92 punc porcentuai, chëra di grups todësch y ladin é indere gnüda smendrida de respetivamënter 0,80 y 0,12 punc porcentuai.

Dles 450.373 detlaraziuns ê 8.053 (l'1,79%) d'agregaziun. De chëstes revardâ le 45,00% le grup linguistich talian, le 50,07% le grup linguistich todësch y le 4,93% chël ladin.

Resultac dla Cumpedada di grups linguistics a nivel comunal

Tla tabela 2 él i resultac dla Cumpedada di grups linguistics por comun aladò di valurs porcentuai por i agn 2011 y 2024 cina ala secunda zifra dezimela.

Cai é pa i mudamënc dla consistënza di trëi grups linguistics a nivel comunal?

Sce an confrontëia i resultac a nivel comunal, vëigon sciöche le grup linguistich talian, che é jü sö a nivel provinzial de 0,92 punc porcentuai, é jü jö porcentualmënter ma te 21 comuns; te 95 él indere jü sö.

Le grup linguistich todësch é indere gnü mënder porcentualmënter te 89 comuns y majer te 27.

Cunsistënza perzentuela dla trêi grupes linguistiches sun duta la detlaraziuns valëivles aldò dl chemun - Cumpedada dla populazion 2011 y Cumpedada dla grupes linguistiches 2024

Consistënza porcentuala di trêi grups linguistics sön dôtes les detlaraziuns varëntes aladò dl comun - Cumpedada dla populaziun 2011 y dla Cumpedada di grups linguistics 2024

CHEMUN	Cumposizion perzentuela 2011 Composiziun porcentuala 2011			Cumposizion perzentuela 2024 Composiziun porcentuala 2024			COMUN
	Taliana Talian	Tudëscia Todësch	Ladina Ladin	Taliana Talian	Tudëscia Todësch	Ladina Ladin	
001 Aldein	1,74	98,07	0,19	1,85	97,89	0,26	Aldein
002 Andrian	9,53	89,96	0,51	8,58	90,54	0,88	Andrian
003 Altrei	12,20	87,80	0,00	12,02	87,98	0,00	Altrei
004 Eppan a. d. Weinstr.	13,29	86,23	0,48	15,36	84,17	0,47	Eppan a. d. Weinstr.
005 Hafling	2,42	97,58	0,00	3,13	96,87	0,00	Hafling
006 Badia	4,17	1,76	94,07	6,05	2,28	91,67	Badia
007 Barbian	1,87	97,53	0,60	1,88	96,74	1,38	Barbian
008 Bulsan	73,80	25,52	0,68	74,71	24,74	0,55	Balsan
009 Braies	0,61	99,23	0,15	3,10	96,75	0,15	Braies
010 Prëner	18,64	80,86	0,50	22,07	77,77	0,16	Prener
011 Persenon	25,84	72,82	1,34	26,03	72,61	1,36	Porsenú
012 Branzoll	62,01	37,34	0,65	63,46	35,88	0,66	Branzoll
013 Burnech	15,24	82,47	2,29	19,31	78,71	1,98	Bornech
014 Kuens	3,47	96,28	0,25	2,43	97,04	0,54	Kuens
015 Kaltern a. d. Weinstr.	7,03	92,61	0,36	7,93	91,55	0,51	Kaltern a. d. Weinstr.
016 Freienfeld	3,79	95,85	0,36	4,12	95,56	0,32	Freienfeld
017 Sand in Taufers	2,30	97,34	0,36	3,63	96,02	0,35	Türesc
018 Kastelbell-Tschars	1,28	98,72	0,00	1,77	98,18	0,05	Kastelbell-Tschars
019 Cialstel	3,69	80,94	15,37	5,72	78,47	15,81	Cialstel
020 Tscherms	4,86	94,92	0,23	5,97	93,88	0,15	Tscherms
021 Kiens	2,32	96,73	0,95	6,11	92,61	1,28	Chienes
022 Tluses	7,88	91,30	0,81	8,46	90,66	0,87	Tlüses
023 Karneid	10,64	89,03	0,33	11,72	87,98	0,30	Karneid
024 Kurtatsch a. d. Weinstr.	3,36	96,25	0,38	3,96	95,79	0,25	Kurtatsch a. d. Weinstr.
025 Kurtinig a. d. Weinstr.	31,15	68,67	0,17	27,67	72,00	0,33	Kurtinig a. d. Weinstr.
026 Corvara	6,84	3,46	89,70	10,23	2,65	87,12	Corvara
027 Graun im Vinschgau	2,66	97,34	0,00	2,60	97,35	0,04	Curon Venosta
028 Toblach	15,58	84,10	0,32	18,15	81,59	0,26	Toblach
029 Neumarkt	36,89	62,70	0,42	38,84	60,78	0,38	Neumarkt
030 Falzes	2,36	96,25	1,39	4,58	94,15	1,26	Falzes
031 Fie	4,46	94,92	0,62	6,45	92,75	0,80	Fie
032 Furtëza	38,51	59,63	1,86	41,09	57,34	1,56	Fortëza
033 Funes	1,99	97,69	0,32	2,49	96,97	0,54	Funes
034 Gais	2,65	97,05	0,29	3,60	96,07	0,33	Gais
035 Gargazon	20,33	78,68	0,99	18,41	80,51	1,08	Gargazzone
036 Glurns	3,87	96,13	0,00	3,51	96,49	0,00	Glurns
037 Latsch	1,97	97,99	0,04	3,38	96,55	0,06	Latsch
038 Algund	14,58	85,17	0,25	16,90	82,75	0,35	Algund
039 Laion	3,93	89,93	6,14	7,14	86,26	6,59	Laiun
040 Leifers	71,50	27,99	0,51	74,47	25,16	0,36	Leifers
041 Lana	7,90	91,84	0,26	9,53	90,14	0,32	Lana
042 Laas	1,67	98,09	0,24	2,41	97,45	0,13	Laas
043 Laurein	3,29	96,71	0,00	2,23	97,77	0,00	Laurein
044 Lujon	1,39	97,77	0,83	1,97	97,61	0,42	Lijun
045 Margreid a. d. Weinstr.	15,22	84,33	0,45	16,35	83,38	0,27	Margreid a. d. Weinstr.
046 Mals	3,00	96,92	0,08	2,70	97,23	0,06	Mals
047 Mareo	5,02	2,89	92,09	4,32	3,45	92,23	Mareo
048 Marling	13,41	86,41	0,17	12,00	87,80	0,20	Marling
049 Martell	0,00	100,00	0,00	0,88	99,12	0,00	Martell
050 Mölten	3,57	96,11	0,31	3,34	96,60	0,06	Mölten
051 Maran	49,06	50,47	0,47	51,37	48,26	0,37	Maran
052 Valsperch-Taisten	4,57	95,08	0,35	8,41	91,33	0,27	Valsperch-Taisten
053 Montan a. d. Weinstr.	6,94	92,54	0,52	7,71	91,92	0,37	Montan a. d. Weinstr.
054 Moos in Passeier	0,33	99,58	0,09	0,42	99,52	0,05	Moos in Passeier
055 Nals	8,78	90,58	0,64	10,31	88,96	0,73	Nals
056 Naturns	3,04	96,83	0,14	4,06	95,78	0,17	Naturns
057 Natz-Schabs	5,49	93,54	0,97	4,42	94,61	0,96	Natz-Schabs
058 Welschnofen	5,53	94,00	0,47	8,33	91,03	0,63	Welschnofen
059 Deutschnofen	2,33	97,42	0,25	4,33	95,42	0,25	Deutschnofen
060 Auer	29,59	69,74	0,67	31,28	68,45	0,27	Ora

Cunsistënza perzentuela dla trêi grupes linguistiches sun duta la detlaraziuns valëivles aldò dl chemun - Cumpedada dla populazion 2011 y Cumpedada dla grupes linguistiches 2024

Consistënza porcentuala di trêi grups linguistics sön dôtes les detlaraziuns varëntes aladò dl comun - Cumpedada dla populaziun 2011 y dla Cumpedada di grups linguistics 2024

CHEMUN		Cumposizion perzentuela 2011 Composiziun porcentuala 2011			Cumposizion perzentuela 2024 Composiziun porcentuala 2024			COMUN
		Taliana Talian	Tudëscia Todësch	Ladina Ladin	Taliana Talian	Tudëscia Todësch	Ladina Ladin	
061	Urtijëi	6,51	9,30	84,19	9,90	10,35	79,75	Urtijëi
062	Partschins	3,79	95,94	0,27	4,84	94,89	0,27	Partschins
063	Perca	4,29	94,86	0,84	5,98	92,97	1,05	Perca
064	Plaus	2,42	97,58	0,00	4,57	95,27	0,15	Plaus
065	Pruca	13,37	81,40	5,23	17,31	78,21	4,49	Pruca
066	Burgstall	22,78	76,61	0,61	22,71	76,84	0,45	Burgstall
067	Prad am Stilfser Joch	2,73	97,21	0,06	4,28	95,60	0,12	Prad am Stilfser Joch
068	Prettau	2,67	97,33	0,00	1,41	98,59	0,00	Prettau
069	Proveis	2,29	97,71	0,00	2,55	97,45	0,00	Proveis
070	Ratschings	2,14	97,77	0,10	3,21	96,65	0,14	Ratschings
071	Rasen-Antholz	1,16	98,40	0,44	1,36	98,05	0,59	Rasun Anterselva
072	Renon	4,55	95,20	0,25	5,35	94,35	0,30	Renun
073	Riffian	1,85	97,76	0,39	3,03	96,28	0,70	Riffian
074	Mühlbach	3,93	95,34	0,73	5,81	93,54	0,66	Mühlbach
075	Rodeneck	0,26	99,65	0,09	0,98	98,86	0,16	Rodeneck
076	Salurn a. d. Weinstr.	61,85	37,74	0,40	62,49	37,33	0,17	Salurn a. d. Weinstr.
077	Sanciana	14,64	85,06	0,30	17,21	82,39	0,40	Sanciana
079	Jenesien	3,07	96,79	0,14	4,83	95,03	0,14	Jenesien
080	St. Leonhard in Passeier	1,05	98,83	0,12	0,69	98,99	0,33	St. Leonhard in Passeier
081	San Laurënz	2,64	95,31	2,05	3,95	93,84	2,22	San Laurënz
082	San Martin de Tor	1,47	1,82	96,71	4,87	2,35	92,78	San Martin de Tor
083	St. Martin in Passeier	0,86	99,10	0,03	1,16	98,77	0,06	St. Martin in Passeier
084	St. Pankraz	0,96	98,84	0,19	0,95	98,99	0,07	St. Pankraz
085	Santa Cristina	4,41	4,19	91,40	6,85	5,36	87,79	Santa Cristina
086	Sarnatal	1,82	98,07	0,10	2,69	97,19	0,12	Sarnatal
087	Schenna	1,67	98,18	0,15	2,94	96,99	0,07	Schenna
088	Mühlwald	0,90	98,90	0,21	0,75	99,10	0,15	Mühlwald
089	Sëlva	5,11	5,15	89,74	8,20	4,63	87,18	Sëlva
091	Schnals	1,76	98,24	0,00	2,11	97,89	0,00	Schnals
092	Sest	4,36	95,37	0,27	7,38	92,37	0,25	Le Sest
093	Schlanders	5,19	94,66	0,14	6,42	93,54	0,04	Schlanders
094	Schluderns	1,20	98,80	0,00	3,22	96,66	0,12	Schluderns
095	Stilfs	1,54	98,46	0,00	2,44	97,45	0,10	Stilfs
096	Terenten	0,54	99,40	0,06	0,71	99,05	0,24	Terenten
097	Terlan	16,07	83,61	0,32	20,47	79,20	0,33	Terlan
098	Tramin a. d. Weinstr.	3,44	96,37	0,20	4,69	94,99	0,32	Tramin a. d. Weinstr.
099	Tisens	1,96	97,71	0,34	3,10	96,62	0,28	Tisens
100	Tiers	1,20	98,15	0,65	2,54	97,14	0,32	Tiers
101	Tirol	2,89	96,89	0,22	3,78	96,13	0,09	Tirol
102	Truden im Naturpark	25,42	73,94	0,64	23,33	76,05	0,63	Truden im Naturpark
103	Taufers im Münstertal	2,15	97,85	0,00	2,32	97,68	0,00	Taufers im Münstertal
104	Ulten	0,53	99,40	0,07	0,84	99,09	0,07	Ulten
105	Pfatten	61,50	38,06	0,44	61,52	38,14	0,34	Pfatten
106	Valdaora	3,18	96,47	0,34	3,89	95,64	0,47	Valdaora
107	Pfitsch	8,94	90,98	0,08	12,60	87,22	0,18	Pfitsch
108	Ahrntal	0,93	98,76	0,31	1,57	98,14	0,29	Aurin
109	Gsies	1,62	98,29	0,09	1,80	98,11	0,09	Gsies
110	Vintl	1,26	98,23	0,52	2,29	97,09	0,62	Vandoies
111	Vahrn	11,18	87,80	1,02	15,45	83,39	1,16	Vahrn
112	Vöran	2,10	97,90	0,00	1,47	98,53	0,00	Vöran
113	Niederdorf	7,76	92,09	0,15	11,00	88,93	0,07	Niederdorf
114	Villanders	1,15	98,46	0,38	1,12	98,71	0,17	Villanders
115	Sterzing	25,95	73,64	0,41	32,08	67,66	0,27	Sterzing
116	Feldthurns	0,91	98,33	0,76	1,60	98,02	0,38	Feldthurns
117	La Val	0,81	1,53	97,66	1,70	1,85	96,45	La Val
118	U. L. Frau i. W.-St. Felix	1,05	98,95	0,00	2,44	97,42	0,14	U. L. Frau i. W.-St. Felix
De ndut		26,06	69,41	4,53	26,98	68,61	4,41	Indöt

Cunsistënza perzentuela dla trêi grupes linguistics sun duta la detlarazions valëivles aldò dl raion - Cumpedada dla popolazion 2011 y Cumpedada dla trêi grupes linguistics 2024

Consistënza porcentuala di trêi grups linguistics sön le total dles detlaraziuns varëntes aladò dl raion - Cumpedada dla popolaziun 2011 y Cumpedada di grups linguistics 2024

CHEMUN	Cumposizion perzentuela 2011 Composiziun porcentuala 2011			Cumposizion perzentuela 2024 Composiziun porcentuala 2024			COMUN
	Taliana Talian	Tudëscia Todësch	Ladina Ladin	Taliana Talian	Tudëscia Todësch	Ladina Ladin	
Raion cumprensoriel							Comunités raionales
Val Venuesta	2,63	97,29	0,08	3,46	96,47	0,07	Venosta
Burgraviat	21,15	78,54	0,32	22,35	77,34	0,30	Burgraviat
Überetsch-Südt. Unterland	32,07	67,48	0,44	34,14	65,46	0,40	Überetsch-Südt. Unterland
Bulsan	73,80	25,52	0,68	74,71	24,74	0,55	Balsan
Salten-Scilier	4,31	76,79	18,91	6,00	76,36	17,64	Salten-Scilier
Val d'Isarch	13,20	85,52	1,27	13,99	84,69	1,32	Val d'Isarch
Val d'Isarch auta	14,35	85,29	0,35	17,42	82,32	0,27	Alta Val d'Isarch
Puster	5,97	80,48	13,54	8,06	78,50	13,44	Puster
Valedes ladines	4,70	4,45	90,85	6,86	4,87	88,27	Valades ladines
Raion saniter							Raiun sanitar
Bulsan	43,74	51,45	4,80	44,17	51,31	4,52	Balsan
Maran	16,13	83,63	0,24	17,26	82,51	0,23	Maran
Persenon	12,95	86,06	1,00	14,36	84,63	1,01	Porsenú
Burnech	6,18	79,72	14,11	8,30	77,72	13,98	Bornech
Südtirol de ndut	26,06	69,41	4,53	26,98	68,61	4,41	Indöt Südtirol

Funtana: ISTAT, ASTAT, elaborazion ASTAT

Fontana: ISTAT, ASTAT, elaboraziun ASTAT

La grupa linguistica ladina ie diventeda mëndra te 51 chemuns y chersciuda te 49 chemuns; te 16 chemuns ie si perzentuela, alincontra, resteda la medema.

La majera variazion perzentuela ti cunfronc di dac dl 2011 an registrà tl chemun de Sterzing. Tlo ie la grupa linguistica taliana ie chersciuda de 6,13 ponc perzentuei, ntan che la grupa linguistica tudëscia y chëla ladina ie diventedes mëndres respetivamënter de 5,98 y 0,14 ponc perzentuei.

Tl capoluech dla provincia Bulsan ie la grupa linguistica taliana chersciuda de 0,91 ponc perzentuei tl cunfront cun l 2011, ntan che la grupa linguistica tudëscia ie diventeda mëndra de 0,78 ponc perzentuei. La grupa linguistica ladina resta, ënghe tl 2024, sota l 1%.

Le grup linguistich ladin é jü jö te 51 comuns y jü sö te 49; te 16 comuns é súa porcentuala romagnüda anfat.

La maiú mudaziun porcentuala respet ai dac dl 2011 él sté tl comun de Sterzing. Le grup linguistich talian é jü sö de 6,13 punc porcentuai; i grups linguistics todësch y ladin é indere jüs jö respetivamënter de 5,98 y 0,14 punc porcentuai.

Tl capolüch dla provincia de Balsan é le grup linguistich talian jü sö de 0,91 punc porcentuai respet al 2011, le grup linguistich todësch é indere jü jö de 0,78 punc porcentuai. Le grup linguistich ladin romagn ince dl 2024 sot l'1%.


Variazion dla cunsistènza dla grups linguistiches aldò dl chemun - Cumpedada dla popolazion 2011 y Cumpedada dla grups linguistiches 2024

Variazion te ponc perzentuei


Mudamënt dla consistènza di grups linguistics aladò dl comun - Cumpedada dla popolaziun 2011 y Cumpedada di grups linguistics 2024

Mudamënt te punc porcentuai


Grupa linguistica taliana
Grup linguistich talian



Grupa linguistica tudëscia
Grup linguistich todësch



Grupa linguistica ladina
Grup linguistich ladin



Graduatories di chemuns aldò dla maiuranza dla grupes linguistiches

D'autri resultac nteressanc mostra la graduatoria di chemuns aldò dla cunsistènza dla grupes linguistiches singules.

Te 102 chemuns à la grupa linguistica tudèschia arjont la maiuranza. I prims dla lista ie l chemun de Moos in Passeier, cun na percentuela dl 99,52%, l vèn do Martell (99,12%) y l chemun de Mühlwald (99,10%). De ndut iel 17 chemuns ulache l ie unì superà la percentuela dl 98%; 55 chemuns registrea na percentuela de popolazion de rujeneda tudèschia plu auta dl 95% y 75 chemuns na percentuela plu auta dl 90%.

Te 8 chemuns ie la maiuranza dla grupa linguistica ladina, y chël ie: La Val (96,45%), San Martin de Tor (92,78%), Mareo (92,23%), Badia (91,67%), Santa Cristina (87,79%), Sëlva (87,18%), Corvara (87,12%), y Urtijëi (79,75%).

6 chemuns à na maiuranza taliana, chisc ie: Bulsan (74,71%), Laives (74,47%), Branzoll (63,46%), Salurn (62,49%), Vadena/Pfatten (61,52%) y Maran (51,37%).

Gradatöres por maioranza linguistica ti comuns

N ater aspet interessant vègn pité dala gradatöra di comuns aladò dla consistènza di grups linguistics.

Te 102 comuns á le grup linguistich todësch arjont la maioranza. Le pröm dla lista é le comun de Moos in Passeier, cun na porcentuala dl 99,52%, spo é l Martell (99,12%) y Mühlwald (99,10%). Indöt é l gnù superé te 17 comuns le limo dl 98%; 55 comuns registrèia na porcentuala de popolaziun de lingaz todësch de passa le 95% y 75 de passa le 90%.

Te 8 comuns toca la maioranza pro le grup linguistich ladin, y plü avisa: La Val (96,45%), San Martin de Tor (92,78%), Mareo (92,23%), Badia (91,67%), Santa Cristina (87,79%), Sëlva (87,18%), Corvara (87,12%) y Urtijëi (79,75%).

6 comuns á na maioranza taliana, y plü avisa: Balsan (74,71%), Laives (74,47%), Bronzolo (63,46%), Salurn an der Weinstraße (62,49%), Vadena (61,52%) y Maran (51,37%).

Graf. 2


Graduatoria di prim 20 chemuns aldò dla grupa linguistica - Cumpedada dla grupes linguistiches 2024

Gradatöra di pröms 20 comuns aladò dl grup linguistich - Cumpedada di grups linguistics 2024



Graduatoria di prim 20 chemuns aldò dla grupa linguistica - Cumpedada dla grupes linguistics 2024

Gradatöra di pröms 20 comuns aladò dl grup linguistich - Cumpedada di grups linguistics 2024



Spartizion dla stieres tl servisc publich y cumposizion di organs colegiei di ënc publics

La tabela 4 mostra la spartizion dla stieres tl servisc publich y la cumposizion di organs di ënc publics dla Provinzia autonoma de Bulsan - Sùdtirol. L numer dla stieres per grupa linguistica ie unì calculà sun la basa di resultac dla Cumpedada dla grupe linguistiches 2024 y aldò dla prescrizioms dla lege provinziela di 18 d'utober 1988, n. 40.

Spartiziun di posé publics y composiziun di organs colegiai di ënc publics

La tabela 4 mostra la spartiziun di posé publics y la composiziun di organs colegiai di ënc publics dla Provinzia autonoma de Balsan - Sùdtirol. Le numer di posé por grup linguistich é gnü calculé sön la basa di resultac dla Cumpedada di grups linguistics 2024 y aladò dles desposiziuns dla lege provinziela di 18 d'otober dl 1988, n. 40.

Tab. 4

Spartizion dla stieres tl servisc publich y cumposizion di organs colegiei di ënc publics tla Provinzia autonoma de Bulsan - L Sùdtirol aldò dla cunsistënza dla grupe linguistiches pra la Cumpedada dla grupe linguistiches 2024 (a)

Spartiziun di posé publics y composiziun di organs colegiai di ënc publics tla Provinzia autonoma de Balsan - Le Sùdtirol aladò dla consistënza di grups linguistics pro la Cumpedada di grups linguistics 2024 (a)

Numer dla stieres Numer di posé	Cuota dla grupe linguistiches Cuota di grups linguistics			Numer dla stieres Numer di posé	Spartizion aldò dla grupa linguistica Spartiziun aladò dl grup linguistich		
	Taliana Talian	Tudëscia Todësch	Ladina Ladin		Taliana Talian	Tudëscia Todësch	Ladina Ladin
2	0,54	1,37	0,09	2	1	1	0
3	0,81	2,06	0,13	3	1	2	0
4	1,08	2,74	0,18	4	1	3	0
5	1,35	3,43	0,22	5	1	4	0
6	1,62	4,12	0,26	6	2	4	0
7	1,89	4,80	0,31	7	2	5	0
8	2,16	5,49	0,35	8	2	6	0
9	2,43	6,17	0,40	9	3	6	0
10	2,70	6,86	0,44	10	3	7	0
11	2,97	7,55	0,49	11	3	8	0
12	3,24	8,23	0,53	12	3	8	1
13	3,51	8,92	0,57	13	3	9	1
14	3,78	9,61	0,62	14	4	9	1
15	4,05	10,29	0,66	15	4	10	1
16	4,32	10,98	0,71	16	4	11	1
17	4,59	11,66	0,75	17	4	12	1
18	4,86	12,35	0,79	18	5	12	1
19	5,13	13,04	0,84	19	5	13	1
20	5,40	13,72	0,88	20	5	14	1
21	5,67	14,41	0,93	21	6	14	1
22	5,94	15,09	0,97	22	6	15	1
23	6,21	15,78	1,01	23	6	16	1
24	6,48	16,47	1,06	24	7	16	1
25	6,75	17,15	1,10	25	7	17	1
26	7,01	17,84	1,15	26	7	18	1
27	7,28	18,52	1,19	27	7	19	1
28	7,55	19,21	1,23	28	8	19	1
29	7,82	19,90	1,28	29	8	20	1
30	8,09	20,58	1,32	30	8	21	1
31	8,36	21,27	1,37	31	8	21	2
32	8,63	21,96	1,41	32	9	22	1
33	8,90	22,64	1,46	33	9	23	1
34	9,17	23,33	1,50	34	9	23	2
35	9,44	24,01	1,54	35	9	24	2
40	10,79	27,44	1,76	40	11	27	2
50	13,49	34,31	2,21	50	14	34	2
75	20,24	51,46	3,31	75	20	52	3
100	26,98	68,61	4,41	100	27	69	4
200	53,96	137,22	8,82	200	54	137	9
500	134,90	343,05	22,05	500	135	343	22
1.000	269,80	686,10	44,10	1.000	270	686	44
5.000	1.349,00	3.430,50	220,50	5.000	1.349	3.430	221

(a) Chèsta spartizion ie calculeda aldò dla LP di 18 d'utober 1988, n. 40.
(a) Chèsta spartiziun é gnüda calculada aladò dla LP di 18 d'otober dl 1988, n. 40.


Cunsistënza dla grupes linguistiches aldò dl chemun - Cumpedada dla grupes linguistiches 2024

Valores perzentuei


Consistënza di grups linguistics aladò dl comun - Cumpedada di grups linguistics 2024

Valurs porcentuai


Grupa linguistica taliana
Grup linguistich talian



Grupa linguistica tudëscia
Grup linguistich todësch



Grupa linguistica ladina
Grup linguistich ladin



Ai resultat dla Cumpedada dla grupes linguistiches 2024:

- [astatdata](#) (Banca dac SDMX)
- [Dac di chemuns](#)
- [Atlant statistic](#)
- [Profii cumenei](#)

Referimènc a despusizions de lege

- Delibra dla Jonta provinziela di 25 de lujio 2023, n. 619, n. cont dla Cumpedada dla grupes linguistiches tl Südtirol;
- Decret dl diretèur ufize dl ASTAT n. 15659/2023 per l'impèni de spèisa di Chemuns n. cont dl dejëujamënt dla Cumpedada dla grupes linguistiches;
- Decret dl diretèur ufize dl ASTAT n. 05131/2023 per l'impèni de spèisa n. cont dla ncèria per l'svilup dl software per la fasa de relevamënt online dla Cumpedada dla grupes linguistiches a Nformatica Südtirol S.P.A.
- Protocol de cunsèns danter ISTAT y ASTAT per dejëujer l'ativiteies revardèntes l'relevamënt de purtenienza linguistica o agregazion a na grupa linguistica - ISTAT registri ACP/48/2022 di 16.12.2022;
- Decret dl Presidènt dla Republica di 26 de lujio 1976, n. 752, "Normes d'atuazion dl Statut speziel dla Region Trentin-Südtirol sun l'proporz ti ufizies statei tla provinzia de Bulsan y de cunescënza dla doi rujenedes tl servisc public";
- Decret legislatif di 4 d'otober 2021, n. 150, Normes d'atuazion dl Statut speziel per la Region Trentin-Südtirol revardènt la mudazions y la ntegrazions al decret dl Presidènt dla Republica di 26 de lujio 1976, n. 752 (Normes d'atuazion dl Statut speziel dla Region Trentin-Südtirol sun l'proporz ti ufizies statei tla provinzia de Bulsan y de cunescënza dla doi rujenedes tl servisc public);
- Decret dl Presidènt dla Provinzia di 6 de dezèmber 2022, n. 28; Regulamënt d'esecuzion sun la manieres d'atuazion dla cumpedada dla grupes linguistiches y la mesures adatedes per garanti l'anonimità tl relevamënt di dac tla forma telematica;
- Regulamënt (CE) di 9 de lujio 2008, n. 763 - "Regulamënt dl Parlamënt Europeich y dl Cunsèi sun la cumpededes dla popolazion y dl'abitazions".
- Decret legislatif di 6 de setèmber 1989, n. 322, y mudazions y ntegrazions suzessives, "Normes sun l'Sistem statistic nazional y sun la reorganisazion dl Istitut nazional de statistica";
- Regulamënt generel sun la prutezion di dac, regulamënt (UE) n. 2016/679, y decret legislatif di 30 de juni 2003, n. 196, "Codesc tl ciamp dla prutezion di dac persunei", y mudazions suzessives;

Ai resultat dla Cumpedada di grups linguistics 2024:

- [astatdata](#) (Banca dac SDMX)
- [Dac comunai](#)
- [Atlant statistic](#)
- [Profii comunai](#)

Referimènt a desposiziuns de lege

- Deliberaziun dla Junta provinziela di 25 de messé dl 2023, n. 619 sön la Cumpedada di grups linguistics tl Südtirol;
- Decret dl diretur d'ofize dl ASTAT n. 15659/2023 por l'impègn de spèisa di Comuns sön le desfiramënt dla Cumpedada di grups linguistics;
- Decret dl diretur d'ofize dl ASTAT n. 05131/2023 por l'impègn de spèisa sön l'inciaria dl svilup dl software por la fasa de relevamënt online dla Cumpedada di grups linguistics a Informatica Alto Adige S.P.A.
- Intenüda danter ISTAT y ASTAT por desfiré i laurs che reverda le relevamënt de portignënza o agregaziun a n grup linguistich - ISTAT registri ACP/48/2022 di 16.12.2022;
- Decret dl Presidènt dla Republica di 26 de messé dl 1976, n. 752, "Normes d'atuaziun dl Statut spezial dla Region Trentin-Südtirol sön le proporz ti ofizi statai tla provinzia de Bulsan y la conescënza di dui lingac tl servisc public";
- Decret legislatif di 4 d'otober dl 2021, n. 150, Normes d'atuaziun dl statut spezial por la region Trentin-Südtirol sön les mudaziuns y integraziuns al decret dl Presidènt dla Republica di 26 de messé dl 1976, n. 752 (Normes d'atuaziun dl Statut spezial dla Region Trentin-Südtirol sön le proporz ti ofizi statai tla provinzia de Bulsan y la conescënza di dui lingac tl servisc public);
- Decret dl Presidènt dla Provinzia di 6 de dezèmber dl 2022, n. 28; Regulamënt d'esecuziun sön les modalitès d'atuaziun dla cumpedada di grups linguistics y dles mosöres adatedes a garanti modalitès anonimes tl relevamënt di dac tla forma telematica;
- Regulamënt (CE) di 9 de messé dl 2008, n. 763 - "Regulamënt dl Parlamënt Europeich y dl Consèi sön la cumpedada dla popolaziun y dles abitaziuns".
- Decret legislatif di 6 de setèmber dl 1989, n. 322, y mudaziuns y integraziuns suandèntes, "Normes sön le Sistem statistic nazional y sön la reorganisaziun dl Istitut nazional de statistica";
- Regulamënt generel sön la proteziun di dac, regulamënt (UE) n. 2016/679 y decret legislatif di 30 de jügn dl 2003, n. 196, "Codesc en materia de proteziun di dac personai", y mudaziuns suandèntes;

- Program statistic nazional 2020-2022, apurvà cun decret dl President dla Republica di 9 merz 2022 (Suplement urdener n. 20 dla Gazëta Ufiziela di 26 de mei 2022 - seria generala - n. 122);
- Program statistic provinziel 2022-2024, apurvà cun delibera dla Junta provinziela di 28 de dezember 2021, n. 1128.
- L scumenciamënt di lëures dla Cumpedada dla grupës linguistiches, che ëssa dassù vester n la data de referimënt di 31.12.2021, ie unì spustà pervia dla pandemia da Covid-19, che à complichà l'ativiteies de preparazion y de elaborazion y apurvazion dl regulamënt d'esecuzion (decret dl President dla Provincia di 6 de dezember 2022, n. 28), y nce pervia dla introduzion de na metoda n plu de relevamënt digital. Chësta metoda ëssa, defati, dassù garantì la protezion di dac y stravardé i dërc y la lidëza di sogec nteressei (defendura dl anonimat y dla riservatëza). Oradechël iel sta de bujën giapé l bënsté curespondënt dl'Autorità garantanta per la protezion di dac personei, che ie unì dat plu tert de chël che l fova preudù. Sëuraprò à la programazion dl software abù tardivanzes pervia dla complessità tecnica.

Indicazions per la redazion:

Per deplù tlarimënc preibel damandëde a
Timon Gärtner, tel. 0471 41 84 00
e-mail: timon.gaertner@provincia.bz.it.

La reproduzion n pert o de ndut dl cuntenut, la defujion y l'adurvanza di dac, dla nfurmazions, dla tabeles y dla reprejentazions grafiches ie mé autoriseda cun la citazion dla fontana (titul y edizion).

Diretëur responsabl: Timon Gärtner

- Program statistic nazional 2020-2022 aprové cun decret dl President dla Republica di 9 de merz dl 2022 (Suplement ordinar n. 20 tla Gasëta ofiziela di 26 ma dl 2022 - seria generala - n. 122);
- Program statistic provinziel 2022-2024 aprové cun deliberazion dla Junta provinziela di 28 de dezember dl 2021, n. 1128.
- Le scomenciamënt di laurs dla Cumpedada di grupës linguistics che ess messù ester ai 31.12.2021, é gnù sburlé porvia dla pandemia da Covid-19, che á compliché les ativités de preparaziun y de elaboraziun y aprovaziun dl regulamënt d'esecuziun (decret dl President dla Provincia di 6 de dezember dl 2022, n. 28), sciöche ince porvia dl'introduziun de n'atra metoda de relevamënt digitala. Chësta metoda ess messù garantí la proteziun di dac y sconé i dërc y les libertés di sogec atocá (sconanza dl'anonimité y dla riservatëza). Implù jôl debojëgn da ciafé l'arat dl'Autorité garantanta por la proteziun di dac personai, che é gnù dé fora plu tert co preodù. Ala fin él sté intardiades pro la programaziun dl software por le relevamënt online porvia dla complessité tecnica damanada.

Indicaziuns por la redaziun:

Deplü informaziuns é da ciafé pro
Timon Gärtner, tel. 0471 41 84 00
e-mail: timon.gaertner@provincia.bz.it.

An pó ma copié en pert o daldöt i contignüs y s'anuzé di dac, dles informaziuns, dles tabeles y di grafics, sce an dá dant la fontana (titul y ediziun).

Diretur responsabl: Timon Gärtner